



Na osnovu člana 179. stav (1) i (2) Zakona o osnovama sigurnosti saobraćaja na cestama u Bosni i Hercegovini („Službeni glasnik Bosne i Hercegovine“, broj: 06/06, 75/06, 44/07, 84/09, 48/10, 18/13, 8/17, 89/17, 09/18, 46/23 i 88/23), te člana 2., 4. i 8. Pravilnika o načinu i uvjetima organiziranja ispita za vozača motornih vozila („Službeni glasnik Bosne i Hercegovine“, broj: 46/12), te Uputstva o radu autoškola i organiziranju ispita za vozača motornih vozila broj: 10-02-11905-1/21 od 15.10.2021. godine i broj: 10-02-11905-2/21 od 13.02.2026. godine, Ministarstvo obrazovanja, nauke, kulture i sporta Unsko-sanskog kantona raspisuje

JAVNI POZIV **za prijavu kandidata za članove** **Ispitne komisije za polaganje vozačkog ispita**

I. Kandidati se mogu prijaviti na sljedeće pozicije:

- a) ispitivač iz poznavanja pružanja prve pomoći,
- b) ispitivač iz poznavanja propisa o bezbjednosti saobraćaja – dodatni član,
- c) ispitivač iz upravljanja motornim vozilom – dodatni član.

II. Pravo prijave na Javni poziv za:

- a) **ispitivača iz poznavanja pružanja prve pomoći**, ima osoba koja ispunjava opće uslove predviđene Zakonom i ima licencu ispitivača prve pomoći.
- b) **ispitivača iz poznavanja propisa o bezbjednosti saobraćaja**, ima osoba koja ispunjava opće uslove predviđene Zakonom i ima licencu za ispitivača teoretskog dijela ispita.
- c) **ispitivača iz upravljanja motornim vozilom**, ima osoba koja ispunjava opće uslove predviđene Zakonom i ima licencu ispitivača iz upravljanja motornim vozilom;

III. Opći uvjeti:

- da je državljanin Bosne i Hercegovine,
- da nije mlađi od 18 ni stariji od 70 godina,
- da nije otpušten iz državne službe kao rezultat disciplinske mjere na bilo kojem nivou u BiH u periodu od tri godine prije dana objavljivanja javnog poziva,
- da nije pod optužbom Međunarodnog suda za ratne zločine (član IX Ustava BiH),
- da kandidat trenutno ili u posljednje dvije godine nije angažiran u autoškoli i crvenom križu po bilo kom osnovu,
- da kandidat trenutno ili u posljednje dvije godine ne vrši nadzor nad radom Komisije za polaganje vozačkog ispita,
- da kandidat nije u sukobu interesa za obavljanje funkcije člana Ispitne komisije, odnosno da nije u rodbinskoj ili bilo kakvoj drugoj vezi sa vlasnicima ili uposlenicima autoškola i crvenog križa na području Unsko-sanskog kantona, niti u bilo kakvom odnosu zavisnosti prema istim licima
- da kandidatu nije izrečena mjera sigurnosti ili zaštitna mjera zabrana upravljanja motornim vozilom,
- da protiv kandidata nije pokrenut krivični postupak i da nije osuđen za krivično djelo.

IV. Posebni uvjeti:

- licenca ispitivača prve pomoći, licenca za ispitivača teoretskog dijela ispita ili licenca ispitivača iz upravljanja motornim vozilom.

V. Kandidati za člana ispitne komisije, obavezni su dostaviti sljedeće dokumente (original ili ovjerene kopije):

- a) prijava sa naznakom na koju poziciju se prijavljuje;
- b) (CV) biografija;
- c) izvod iz matične knjige rođenih;
- d) uvjerenje o državljanstvu (ne starije od 6 mjeseci);
- e) ovjerenu fotokopiju odgovarajuće licence;
- f) ovjerenu fotokopiju vozačke dozvole;
- g) uvjerenje da kandidatu nije izrečena mjera sigurnosti ili zaštitna mjera zabrana upravljanja motornim vozilom, ne starije od mjesec dana (svrha: prijava na Javni poziv za dopunskog člana ispitne komisije), (samo za pozicije iz člana I, tačke b) i c));
- h) ovjerenu izjavu da kandidat nije otpušten iz državne službe kao rezultat disciplinske mjere na bilo kojem nivou u BiH u periodu od dvije godine prije dana objavljivanja javnog poziva,
- i) ovjerenu izjavu da kandidat nije pod optužbom Međunarodnog suda za ratne zločine (član IX.I. Ustava BiH),
- j) ovjerenu izjavu da kandidat trenutno ili u posljednje dvije godine nije angažiran u autoškoli i crvenom križu po bilo kom osnovu;
- k) ovjerenu izjavu da kandidat trenutno ili u posljednje dvije godine ne vrši nadzor nad radom Komisije za polaganje vozačkog ispita;
- l) ovjerenu izjavu da kandidat nije u sukobu interesa za obavljanje funkcije člana Ispitne komisije, odnosno da nije u rodbinskoj ili bilo kakvoj drugoj vezi sa vlasnicima ili uposlenicima autoškola i crvenog križa na području Unsko-sanskog kantona, niti u bilo kakvom odnosu zavisnosti prema istim licima,
- m) ovjerenu izjavu o davanju saglasnosti za korištenje ličnih podataka.

VI. Izabrani kandidati dostavljaju Uvjerenje da se protiv njih ne vodi krivični postupak i Uvjerenje o nekažnjavanju. Kandidati protiv kojih se vodi krivični postupak ili koji su osuđeni za krivično djelo neće biti imenovani u komisiju.

VII. Ministarstvo zadržava pravo traženja dodatne dokumentacije kao relevantnih dokaza za opšte uslove predviđene Zakonom.

VIII. Članovi Ispitne komisije se imenuju na period od dvije godine.

IX. Prijave na Javni poziv, uz propisanu dokumentaciju, u zatvorenoj koverti, s naznakom: "Prijava za člana Ispitne komisije za polaganje vozačkog ispita – ne otvaraj", dostaviti na adresu: Ministarstvo obrazovanja, nauke, kulture i sporta Unsko-sanskog kantona, Bihać, Alije Đerzeleza broj 2, i to **najkasnije 8 (osam) dana nakon objave Javnog poziva na stranici Vlade USK-a (www.vladausk.ba).**

X. Kandidati koji ne zadovolje uslove Javnog poziva ili ne budu imenovani u Ispitnu komisiju bit će obaviješteni putem web stranice Vlade Unsko-sanskog kantona (www.vladausk.ba). Nepotpune i neblagovremene prijave na Javni poziv neće se razmatrati.

MINISTAR
Denis Osmankić, dipl.ecc.